

# کتاب طبر

اون بش کونده بر نشر اولور دینی . علی مجموعه اسلامیہ در

صاحب و مدیر مشرلی

ابو العلا زین العابدین

تاریخ تأسیسی

۱۳۳۰

عدد : ۸ ۱۶ رمضان سنه ۱۳۳۰ پنجشنبه ۱۶ اغستوس ۱۳۲۸ برنجی جلد

تاریخ و خاطرات :

## یاد ماضی

— مابعد —

خدا آشیان سلطان عبدالعزیز خان حضرت تارینک ارتحالی ایله متعاقباً ظهوره ککش اولان چرکس حسن وقعه سنی ازمیرده ایکن ایشتمش ایدک . استانبوله عودتمزده هرکسک آغزنده خاقان مغفورله خالی متعاقب کوردیکی تحقیر و تضییقه تحمل ایده میوب خلکک التنبی کوئی خدمتنده بولنان جوارینی یانندن صاورق بولندینی اوطه نک قبوسنی قیامش و صقانی دوزلنک ایچون اولجه جاریلرک برندن المش اولدینی مقص ایله ایکی قولنده کی قان طمارلرینی کسه رک وفات ایتمش اولدینی دوران ایدیور ایدی . مع مافیه ارکان متفقہ طرفندن شهید ایدلیدیکی روایتی ده برارده لقی جریان ایتمشده تعین ایدن حاله نظراً روایتیه اهمیت وریلیور ایدی .

نهایت اره دن بش الی سنه مروریله مدحت پاشا ورفقاسنک اجرا قلنان محاکمه لری زماننده ارتحاکک شهادت صورتیه وقوعه کلدیکی اشاعه ایدیلن روایاته مبنی اذهان ناسده عادتاً قرارگیر اولغه باشلادی . درلو درلو شبهه و ترددلر افکار عمومیه یی استیلا ایلدی . بمدالانقلاب بو مبحثده یازیلان آثار ایچنده ظلام ترددی ازاله ایله خاقان مغفور لیهک وفاتی کنددی اثر فعلی اولدیغنه علم یقین حاصل ایتدیرن اثر ، محمود جلال الدین پاشانک [ مرآت حقیقت ] یردی . صاحب تاریخ ، مترجم رشدی پاشا و حسین عونی پاشا و مدحت پاشا و خیرالله افندی کبی ماده خلعه مد متفق بولنان ارکانک شدتله علیهنده بولندیفندن اگر اشاعه اولندیغنی کبی سلطان عبدالعزیز خانک وفاتی شهادت صورتیه اولایدی بونی اک اول یازمه حق شهسز کندیسی اوله حق ایدی ، حالبوکه تاریخنده بو مبحثده خیلی خامه ران شدت اولمشیکن بیه سوزه « سلطان عبدالعزیزک کیفیت وفاتی » عنوانیه باشلامش و شهادتی ادعا ایتمشدر . مدحت پاشانی :

## درید و برید و شکست و بیست

مصراعته ماصدق بولان مؤرخ ، انک النی دم سلطان عبدالعزیز ایله آلوده کوریدی مشار الیه ایله رفقاسی حقنده بو مسئلهدن طولانی یلدیز سراینده اجرا قلنان محاکمه معلومه دن ساکت اولمازدی . صادر اولان حکمی ، اوزمان یلدیزه وکلا ایله رجال حکومتدن مترکب اوله رق انعقاد ایدن مجلس فوق العاده نك اکثریتی کی تصویب و تقدیر ایدر ایدی .

هرنه ایسه سلطان عبدالعزیز خان حضرتلری ملک و دولته صره سی کلنجه لسان تقدیر و ستایش ایله یاد اولنور بر چوق ، اثر بر اقص بر خسرو جلیل القدر ایدی . جلوسیه برابر دولتک شوکت و سطوتی ، قوه بریه و بحریه سی تأیید و تزیید ایده جک امور ایله بالذات اشتغال ایدرک نظامیه و احتیاط وردیف و مستحفظ نامیه یدی یوز بیک نفری متجاوز بر قوه عسکریه وجوده کتورمش و بیوک کوچوک بکرمی بشدن زیاده زرهلی و یوزدن زیاده اخشاب سفن حربیه و نقلیه یی حاوی بر دونما تشکیل ایلوب دولتی اوزمانه کوره ایکنجی درجه ده صایله جق بر دولت بحریه عدادینه ایصال ایتش ایدی . مرحومدن بو فضائلک دها زیاده سی مأمول و منتظر ایکن شایان اسفدرکه اخیراً برره نارفته به کتدی . دولت و ملت بر پوسکوللی بلا اولقده حالت افندینک شق ثانیه بولنان محمود ندیم باشانک انضمام دلائله اخلاقنجه پک بیوک بر تبدل ظهوره کلدی . سرای هایونک اسرافاتی خزینه دولتک تحمل ایده بیله جکی درجه لری پک چوق کجی . سلطان عبدالحمید خانک ارتحالنده قریم مسئله سی مصارفی و قوائم نقدیه بدلائله برابر دولتک داخلی و خارجی کافه دیونی اوتوز میلیون لیریه بالغ اولدینی حالده سلطان عبدالعزیز زماننده یالکیز دیون خارجیه ایکوز میلیون تجاوز ایدی . واردات مملکتک نصف مقداری بو دیونک فائضی اوله رق کتمکه باشلادی . واقعا دیونک بر قسمی دولتک استحصال شان و شوکتی ایچون صرفی ایجاب ایدن مصارفدن و بر قسمی ده استقراضاتک یوزده الی والی بش حسابیه عقد اولمسندن نشأت ایتشمه ده قسم مهمتی اسراف و سفاقت کی اختلاس و ارتکاب کی اسباب ودوای تشکیل ایلشیدی . تدویر امور سلطنتده مصاحبت عامه هیچ کوزه دلمز برحاله

کلدی . مأمورین صیق صیق تبدیل اولنیور وحتی بعض ولایه ومنتصرفین دها مرکز مأموریتارینه واصل اولمەدن غزل ایدیلیورلر ایدی . حضور ملوکانه ده عرض حقیقته کیمسه جرأت ایده میور ایدی . خونه سلطنتک ترویج واغواسیله کوندن کونه شدتی آرتیرمقده بولنان بو اطوارک نتایج طیبیه سندن اولهرق نهایت پادشاه تاج سلطنتدن جدا دوشدی وعضا مقربین سلطنتک اهاتی یوزندن ایشک بو نتیجه یه منجر اولسنه مینی درون اصدقا پر خون اولدی .

### مطالعه فقیر

اسکندر رومی دیرمش که باعث حیاتم پدرمدر ، فقط شان وشوکتله سوردیکم حکومت ارسطونک سایه لطف و تربیه سنده در . بزده دخی شهزادگان حضراتی قواعد عصره کوره تحصیل و تربیه لرینی اکیل ایله اسلاف پادشاهانک شهزاده لک زمانلرنده کی اثرلرینه اقتفاء سیاحتیه چیقسه لر وفضلا واعظم ایله کورشه لر اداره ملک ورعیت حقنده کی معلومات مکتبه لرینی مشاهدات واقباسات ایله تأیید وتنویر ایتمش و سریر اعلا ی سلطنته ترفع ایتدکلری وقت ، منانت اخلاقیه وکفایت علمیه سندن استفاده اولنه جق ذواتی بحق تشخیص ایش اولورلر . اوحالده برطاقم خونه نک غرض آلود معروضاتی عهد حکمداریلرنده مظهر قبول اولغه یول بوله ماز .

ازمیره کلدی کمزک فرداسی کون واپور بزی اورادن الدی وایتختک برسد آهینی اولان قلعه سلطانیه دن کچهرک استانبوله ، برشاعرک :

عیاندر بر سپهرا طلسمین التنده برکشور که رسامان اولور دلسته ارباب سخن حیران  
طبیعت کویا بروز شهر آیین و بهجتده ا کا کنجینه لرله جوهر حسن ایش ارزان

آهنکی ایله وصف ایلدیکی بو بلده طیبیه بزی ایصال ایلدی . بالوجوه حائز بولندی عحاسن فطرتی اقوام جهان اره سنده داستان اولان بوشهر بی نظیره متدائر المانیا ایمپراطوری ایکنجی ویله مک درسعادتی ایلک زیارتندن عودتنده چناق قلعه بوغازندن کچرکن اول تاریخده المانیا حکومتی باش وکیلی بولنان پرنس بسارقه تلغرافله اشعار

ایلدیکی شوسوز بوراده سزای تذکاردرد : کندی پرلر زهنگاهندن چیقمش صانیورم .  
 عمر نازنینک بر فضلی ده بوصورتله کذار ایتدی . بو عکا سیاحتی واقعا برمدت صکره  
 رؤیا حکمنه کیردی . لکن دفتر حیاته غریب بر یادگار براقدی . شوفلاکت دورسابقده  
 خصما طرفندن حقمده بر سابقه جرم اتخاذ اولنه رق وقت وقت وسیله ترویج اغراض  
 اولدی . اوتاریخده موجود اولمیان اهل بیتک دخی بوندن طولانی بخله برابر خلجان  
 قلبه اوغراقاری زمانلر لایعد ولایحصى ایدی .

## برکت زاده اسماعیل حق

حقوق

## امتحان حاضرقلاری

۶

### عمر پیره خیار رؤیت

کورلمکسزین صانون آلنان عینک رؤیتده عقد بیعک فسخ ویا تنفیذی صورتیه مشتری به ثبات  
 اولان غیرلکه اطلاق اولنور. ومسبیک سببه اضافتی قبیلندن - یعنی رؤیت سببه ثبات خیاردیعک -  
 اولور. مع مافیه مشروطک شرطه اضافتی صورتنده تعلق اولنه بیلورکه بوندن رؤیت ایله مشروط،  
 رؤیته معلق کبی بر معنا اکلایشیلور . مسبب سبیدن مشروط شرطدن اول اوله من ایکن بوراده  
 حق فسخک رؤیتدن اول نبوق اعتراضنه کلنجه : دیرزکه بو صلاحیتی خیار رؤیته حمل ایتک